


***Bibliya kan mga Aki  
itinatao***

**An Mirakulo ni Hesus**



***Sinurat ni: Edward Hughes***

***Ilustrasyon ni: Byron Unger; Lazarus  
Alastair Paterson***

***Adaptasyon ni: E. Frischbutter; Sarah S.***

***Inilipat ni: [www.christian-translation.com](http://www.christian-translation.com)***


***Produksyon ni: Bible for Children  
[www.M1914.org](http://www.M1914.org)***

***©2022 Bible for Children, Inc.***

***Lisensya: Igwa kang awtoridad na mag kopya asin mag  
imprenta kan istorya, dai mo lang ipabakal.***



Naggibo si Hesus nin kadakulon na mirakulo. An mirakulo an patotoo na si Hesus an Aki nin Dios. An enot na mirakulo nanyari sa kasalan. May problemang nanyari, mayo na nin arak para sa gabos.



Si Maria, na ina ni Hesus, iyo an nagsabi kan problema asin sinabihan an mga nagtatarabang na gibohon an anuman na sabihon ni Hesus.



“Panuon nin tubig an mga tapayan” sabi ni Hesus. “Tubig?” iyo siguro an mga hapot ninda. Iyo ma nanggad, tubig an sugo ni Hesus.



Sinabihan ni Hesus an mga katabang na  
panuon nin tubig an mga darakulang tapayan,  
asin sinugo an pamayo  
kan mga katabang na  
namitan and laog kan  
tapayan. Ang tubig  
nagin arak!  
Masiramon  
na arak!  
Pinaka  
marahay  
na arak!



Nangalas an mga katabang.  
Ginibong arak ni Hesus an  
tubig. An Dios lang an  
makakagibo kan arog  
kaiyan na mirakulo.




Kadacol pang mirakulo an ginibo ni Hesus. Sarong banggi, Siya asin an saiyang mga disipolo nagduman sa harong ni Pedro. Igwa nin kalintura an ina kan agom ni Pedro.






Kinaputan ni Hesus an kamot kan babae. Anu mananggad ta an babae narahay. Nagbuhat siya asin naglingkod ki Hesus asin sa mga disipolo.




Kinabanggihan, nagtiripon an gabos na tawo sa siyudad sa pintuan. Nag arabot an mga may makulog-mga dai nakakahiling, dai nakakadangog, dai nakakataram, asin mga dai nakakalakaw. Pati mga sinasapian nin maraot na espiritu, nag tiripon ki Hesus. Matatabangan kaya ni Hesus an kadakol na tawo?



Si Hesus, an Aki nin Dios, an makakatabang. An gabos na nagrani Saiya, nagkararahay. An mga pilay nakalakaw, nagdaralagan asin nagruluksuhan.



May mga nagrarani,  
na mga leproso.



Gabos sinda,  
nagkararahay asin  
nagin malinig kan  
pinaharahay sinda  
ni Hesus.




An mga lalaki asin babae na sinasapian nin maraot na espiritu, nag atubang ki Hesus. Sinugo ni Hesus an mga maraot na espiritu na magharali sainda. Nagturobod an mga maraot na espiritu nin panu nin pagkatakot. An mga taong mamundo nagin maogmahon na marahay.



Sa likod kan kadakulan, igwang apat na lalake na tinatabangan an saindang amigo na makarani ki Hesus. Mananggad dai sinda makarani ki Hesus. Anu an gigibohon ninda?



Kinarga ninda an lalaking may  
makulog sa itaas kan atop nin  
harong, tinangkas kan si apat  
na dayopot na amigo an  
atop asin ibinaba an lalaki.  
Ngunian, harane  
na an lalaki  
ki Hesus.






Nahiling ni Hesus na igwang pagtubod an apat na amigo. Sinabihan Niya an lalaki na may makulog, “Pinatawad na an saimong mga kasalan”. Puruton mo an saimong higdaan asin maglakaw ka.




Pagkatapos kaiyan. Si Hesus nagiba sa mga  
disipolo sa sarong baroto. Sarong  
makatakuton na bagyo an nag  
abot. Natuturog si Hesus.  
Minata si Hesus kan mga  
natatakot na disipolo.  
“Kagurangnan. Iligtas mo  
kami,” paghiribi ninda.  
“Makakagaradan  
kami!”




“Magpundo,” an tataramon ni Hesus. Asin an dagat natuninong managgad. “Anung klase an tawong ini?” An sabe kan saiyang mga disipolo. Maski an duros asin an dagat nagtutubod Sa iya.

Nagturubod sinda na si Hesus an Aki nin Dios. An Saiyang mga mirakulo nagpapahiling kan kadakulaan nin Dios.



Dai aram kan mga disipolo na mahihiling ninda an mga darakulaon pang mirakulo sa paglinkod ninda ki Hesus.



An Mirakulo ni Hesus


***An istorya kan Tataramon nin Dios,  
an Bibliya,***

***mahihiling sa***


Mateo 8-9, Marcos 1-2, Markos 4,  
Lucas 4, Lucas 8, Juan 2

***"An Saimong Tataramon na nagtatao nin  
liwanag." Salmo 119:130***





40



60



***An istorya sa Bibliya ang nagpapsabot kan satuyang marahay na Dios na nag gibo satuya asin gusto Niyang mabisto mo siya.***

***Aram kan satuyang Dios na may mga ginibo kitang sala, inapod Niya ining kasalan. An kabayadan nin kasalan iyo an kagadanan; Huli ta namuot na gayo an Dios sa kinaban kaya itinao niya an saiyang bugtong na Aki na si Hesus, tanganing Siya ang magadan para saimong mga kasalan. Nabuhay si Hesus asin nagpuli sa Langit! Kung nagtutubod ka ki Hesus asin naghagad nin kapatawaran kan sa imong mga kasalan, Papatawadon ka Niya! Maistar siya sa imo at ika man sa Iya sagud pa man.***

***Kun nagtutubod ka na ini ang katotohanan, sabihon mo ini sa Dios:***

***Kagurangnan kong Hesus, nagtutubod ako na ika an Dios, na nagin tawo asin nagadan para sa sakuyang mga kasalan na ngunyan nabuhay liwat. Maglaog ka sa sakuyang buhay asin patawadon mo ako sa sakuyang mga kasalan, tanganing magkaigwa man ako nin bago na buhay, asin pagabot kan panahon mapaduman man sa Imo sagud pa man.***

***Basahon ang Bibliya asin makipag ulay sa Dios ara aldaw! Juan 3:16***

